



“Inuuniarnermikkut ajornartorsiuteqartut pillugit siunnersuisooqatigiit” pilersinneqarnissaannut Naalakkersuisut peqquneqassasut Inatsisartut aalajangiiffigisassaattut siunnersuut.

(Inatsisartunut Ilaasortaqa Jens-Frederik Nielsen, Demokraatit)

(Siullermeerneqarnera)

Qujanaq Demokraatit Inatsisartunut ilaasortaataitaannut Jens-Frederik Nielsen-imut siunnersuummut pitsaasumut naleqquttumullu.

Maani Nunatsinni inuit amerlavallaat inuuniarnermikkut ajornartorsiuteqartutut taaneqarsinnaapput. Innuttaasuupput, inuiaqatigiinnit ikiortariallit pitsaanagerusumik inuuneqarnissaminnik. Ajornartorsiutit assigiinngissinnaasorujussuupput. Angerlarsimaffeqannginneq, tarnikkut napparsimaneq, piitsuuneq, atornerluinermik ajornartorsiuteqarnerit imaluunniit allanik peqquteqarsinnaallutik. Taakkununga imaattariaqarpoq, taakku inuit eqqortumik ikiorneqartariaqarnerat.

Sunaliuna ikiorsiissut eqqortoq?

Akuttunngitsunik maani inersuarimi inuiaqatigiinnilu tamanna oqallisigisarparput. Uanga isumaqarsinnaavunga aammali allat allatut isumaqarsinnaapput. Uani siunnersuuteqartoq isumaqatigaara, isummersuutiniq isumaliuutigineqarluarsimasunik amigaaqartugut, uagut politikkerit pitsaanermik isummernissatsinnut tunngavigisinnaasatsinnik ullumikkumiit. Sanilliussinera nuannaraara “Aningaasaqarnermut Siunnersuisooqatigiinnut”, tassami taakku ullumikkut sukumiisunik ataatsimiititaliap suliaanut tunngasunut nalunaarusiortarmata, uagut politikkeritut isummerfigisinnaasatsinnik.

Iluarisimaarnera nalunaarutigilaaginnassavara, aamma isumaginninnermut tunngatillugu sulisunit ilisimasaaqarluartunit pikkorissunikku isummertartoqaleriartoratta soorlu “Inuuniarnermikkut ajornartorsiuteqartut pillugit Siunnersuisooqatigiittut” assigusunit.

Siunnersuut akuereqqullugu innersuunneqarpoq Ilaqutariinnermut- aamma Peqqissutsimut ataatsimiititaliami suliareqqinneqartussatut innersuussutigalugu.